

# 卷一

書名 秦漢文八卷 嘉靖三十四年序刊本  
 撰者 明 胡纘宗 輯  
 卷一  
 內容分類 集 總集 各代 上古漢魏六朝  
 索書號 集部 總集 58  
 編號 D7831200

## 秦漢文卷之一

秦惠文王

詛楚文

秦嗣王敢用吉玉宣璧使其宗祝邵馨

告于不顯大神巫咸  
作愍 作愍 顯父 秋本 作不

以匡楚王熊相之多臯  
作不 顯大神 亞 顯大 沈父 秋

彩色首頁1

東洋文化研究所漢籍目錄 編號: D7831200

東洋文化研究所漢籍目錄所藏漢籍善本文影像資料庫 索書號: 集部 總集 58

漢籍善本文影像資料庫文本 秦漢文八卷 嘉靖三十四年序刊本

版權所有: 東京大學 東洋文化研究所

使用上的注意事項

天水胡纘宗總次

吳門馬驥黃省曾校

新安程良錫重校刊



秦漢文卷之一



天水胡縉宗編次

吳門馬騷黃省曾校

新安程良錫重校刊

秦惠文王

詛楚文

又有通作秦嗣王敢用吉玉宣璧使其宗祝邵馨

布忠一作愍告于不顯大神巫咸又秋本作不顯大沈又秋

亞馳本作不顯大神亞以匹楚王熊相之多臯馳又讀作故亞讀作烏

昔我先君穆公及楚成王是讀作寔繆讀作力

同心兩邦若壹絆以婚姻矜以齊盟曰葉萬子

孫母相為不利親即讀作仰不顯大神巫咸而質

焉今楚王熊相康讀作庸回無道淫失讀作攸甚讀作

亂宣讀作多競從讀作縱變輸讀作渝盟刺內之

刑戮孕婦幽刺親

寔室讀作諸積棺

之中外之則冒改父心不畏皇天上帝及不顯

大神巫咸之光烈威神而兼倍十八世之詛盟

率諸侯之兵以臨加我欲剗伐我社稷伐威許

我百姓求蔑灋古法皇天上帝及不顯大神

巫咸之卹以圭玉義儀牲速取倍古我字邊城

新郢音皇及邾王本長親我不敢曰可今有通作

志興其衆張矜意縮文怒飾甲底兵奮士盛師

以偪王本我邊競讀作境將欲復其既迹唯是秦

邦之廟衆敵賦鞞王本鞞音革輸音俞棧輿

禮使上聲介老將去聲之以自救毆秋本作也亦

應古受皇天上帝及不顯大神巫咸之幾靈

德賜

古克

物

王本作制又秋亞  
馳本作劑齊也

楚師日復略

我邊城敢數楚王熊相之倍盟犯詛著者諸石

章以明大神之威神

秦始皇

### 泰山刻石銘

皇帝臨位作制明法臣下脩飭

索隱曰此泰山  
刻石銘其辭每

三句為韻凡十二韻下之  
不竭石會稽三銘皆然

二十有六年初并天

下罔不賓服親巡遠方黎民登茲泰山周覽東

極從臣思迹本原事業祇誦功德治道運行諸

產得宜皆有法式大義休明垂于後世順承勿

革皇帝躬聖既平天下不懈於治夙興夜寐建

設長利專隆教誨訓經宣達遠近畢理咸承聖

志貴賤分明男女禮順慎遵職事昭隔內外徐

日隔一靡不清淨施于後嗣化及無窮遵奉遺

詔永承重戒

### 嶧山刻石銘

皇帝立國維初在昔嗣世稱王討伐亂逆威動

四極武義直方戎臣奉詔經時不久滅六暴強

三晉楚燕齊六強國二十有六年二十當上薦高號孝道

顯明既獻泰成謂告成于天乃降專惠親巡遠方登

于嶧山群臣從者咸思攸長追念亂世分土建

邦以開事理攻戰日作流血於野自秦古始世

無萬數阨及五帝莫能禁止迺今皇帝壹家天

下兵不復起災害滅除黔首康定史記秦更各民為黔首

利澤長久群臣誦略刻此樂石以著經紀

皇帝曰金石刻盡始皇帝所為也今襲號而

金石刻辭不稱始皇帝其於久遠也如後嗣

為之者不稱成功盛德丞相臣斯臣去疾御

史大夫臣德昧死言臣請其刻詔書金石刻

因明白矣臣冒死請制曰可

### 之罘山刻石銘

維二十九年時在中春陽和方起皇帝東游巡

登之罘臨照于海從臣嘉觀原念休烈追誦本

始大聖作治建定法度顯著綱紀外教諸侯光

施文惠明以義理六國回辟貪戾無厭虐殺不

已皇帝哀衆遂發討師奮揚武德義誅信行威

燁旁達徐廣曰燁充善反莫不賓服烹滅疆暴振救黔

首周定四極普施明法經緯天下永為儀則大

矣哉宇縣之中宇宇宙縣赤縣承順聖意索隱曰協群

臣誦功請刻于石表垂于常式

其東觀曰維二十九年皇帝春游覽省遠方逮于海

隅遂登之罘昭臨朝陽觀望廣麗從臣咸念原

道至明聖法初興清理疆內外誅暴強武威旁

暢振動四極禽滅六王闡并天下菑害絕息永

偃戎兵皇帝明德經理宇內視聽不怠索隱曰

疑韻怠音銅基反故國語范蠡曰得時不怠怠時不再來亦以怠與臺為韻作立大義

昭設備器咸有章旗職臣遵分各知所行事無

嫌疑黔首改化遠邇同度臨古絕尤常職既定

後嗣循業長承聖治群臣嘉德祇誦聖烈請刻

之罘

### 琅邪臺刻石銘

維二十六年皇帝作始端平法度萬物之紀以

明人事合同父子聖智仁義顯白道理東撫東

土以省卒士事已大畢乃臨于海皇帝之功勤

勞本事土農除末黔首是富普天之下搏心揖

志索隱曰搏古專字左傳云如琴瑟之專一揖音集器械一量同書文

字日月所照舟輿所載皆終其命莫不得意應

時動事是維皇帝匡飭異俗陵水經地憂恤黔

首朝夕不懈除疑定法咸知所辟方伯分職諸

治經易舉措必當莫不如畫皇帝之明臨察四

方尊卑貴賤不踰次行姦邪不容皆務貞良細

大盡力莫敢怠荒遠邇辟隱專務肅莊端直敦

忠事業有常皇帝之德存定四極誅亂除害興

利致福節事以時諸產繁殖黔首安寧不用兵

革六親相保終無寇賊驩欣奉教盡知法式六

合之內皇帝之土西涉流沙南盡北戶東有東

海北過大夏索隱曰協韻音戶下無不人迹所

至無不臣者功蓋五帝澤及牛馬莫不受德各

安其宇維秦王兼有天下立名為皇帝乃撫東

上至于琅邪列侯張晏曰列侯者見序例武成侯王離列

侯通武侯王賁倫侯索隱曰爵卑於列侯無封邑者倫類也亦列侯之類

建成侯趙亥倫侯昌武侯成倫侯武信侯馮毋

擇丞相隗林

索隱曰隗姓林名有本作狀者非顏之推云隋開皇初京師穿地得

鑄秤權有名云始皇時量器丞相隗狀王縮二

人列各其作貌狀之字持令校寫親所較驗王

劭亦云然斯也丞相王縮卿李斯卿王戌五大夫

趙嬰五大夫楊樛從與議於海上曰古之帝者

地不過千里諸侯各守其封域或朝或否相侵

暴亂殘伐不止猶刻金石以自為紀古之五帝

三王知教不同法度不明假威鬼神以欺遠方

實不稱名故不义長其身未歿諸侯倍叛法令

不行今皇帝并一海內以為郡縣天下和平昭

明宗廟體道行德尊號大成群臣相與誦皇帝

功德刻于金石以為表經

### 幸臣論

莊辛因楚襄王左州侯右夏侯輦從鄢

陵君與壽陵君皆楚之寵幸臣也輦從謂輦出則二人從之

專淫佚侈靡不顧國政請避於趙淹留

以觀之淹亦留去五月秦果舉鄢郢巫上

蔡陳之地襄王流拚於咸陽流謂走拚覆也謂自



匪於是使人徵莊辛於趙曰寡人不能  
用先王之言今事至於此為之柰何

臣聞鄙語曰見兔而顧犬未為晚也亡羊而補

牢牢閉養之未為遲也臣聞昔湯武以百里昌桀

紂以天下亡今楚國雖小絕長續短猶以數千

里豈特百里哉王獨不見夫蜻蛉乎六足四翼

飛翔乎天地之間俛啄蚤蚩而食之仰承甘露

而飲之自以為無患與人無爭也不知夫五尺

童子方將調鉛膠絲加已乎四仞之上而下為

螻蟻食也夫蜻蛉其小者也黃雀因是以俯嚼

白粒仰棲茂樹鼓翅奮翼自以為無患與人無

爭也不知夫公子王孫左挾彈右攝丸將加已

乎十仞之上以其類為招書游乎茂樹夕調乎

酸鹹倏忽之間墜於公子之手夫黃雀其小者

也黃鵠因是以游乎江海淹乎大沼俯嚼鱧鯉

仰嚙陵衡衡香奮其六翮而凌清風飄搖乎高

翔自以為無患與人無爭也不知夫射者方將

脩其矰盧集韻波可為鏃治其矰繳矰弋射矢

將加已乎百仞之士被盟確集韻黜利也確以石着維繳也引

微繳折清風而抔矣以繫矢從高集韻故書游

乎江河夕調乎鼎鼐夫黃鵠其小者也蔡靈侯

之事因是以南游乎高陂北陵乎巫山飲茹溪

之流食湘波之魚左抱幼妾右擁嬖女與之馳

騁乎高蔡之中而不以國家為事不知夫子發

方受命乎靈王繫已以朱絲而見之也楚子誘蔡靈侯

殺之蔡靈侯之事其小者也君王之事因是以

左州侯右夏侯輦從鄢陵君與壽陵君飯封祿

之粟所封而載方府之金其所貢與之馳騁

乎雲夢之中而不以天下國家為事而不知夫

穰侯方受命乎秦王填躡塞之內而挾已乎鼂

塞之外襄王聞之顏色變怍身體戰慄於是乃

鮑氏曰謂此策天下之善規也襄王雖失之東

隅而收之桑榆故其季年保境善鄰差為無事

此策為有力焉魯共公

### 酒味色論

梁王魏嬰鮑氏曰觴諸侯於范臺酒酣

請魯君舉觴魯共公魯君興避席擇言善擇

而

昔者帝女蓋堯舜女令儀狄禹時人作酒而美進之禹

禹飲而甘之遂疏儀狄絕旨酒曰後世必有以

酒亡其國者齊桓公夜半不噤噤口有所御易也言不喜食

牙乃煎熬燔炙和調五味而進之桓公食之而

飽至旦不覺寢飽而安曰後世必有以味亡其國者

晉文公得南之威三日不聽朝遂推南之威而

遠之日後世必有以色亡其國者楚王登強臺

而望崩山左江而右湖以臨彷徨自上觀不曰臨集韻彷徨

彷徨也其樂忘死遂盟強臺而弗登曰後世

必有以高臺陂池亡其國者蓋莊王云今主君之尊

儀狄之酒也主君之奢易牙之調也左白台而

右閭須皆美人南威之美也前夾林而後蘭臺強

臺之樂也有一於此足以亡其國今主君兼此

四者可無戒與梁王稱善相屬

趙良

說商鞅說

商君相秦十年宗室貴戚多怨望者請  
交趙良曰僕弗敢願也商君曰子不說  
吾治秦與子觀我治秦也孰與五羸大  
夫賢趙良曰千羊之皮不如一狐之掖  
千人之諾諾不如一士之諤諤僕請終  
日正言而無誅可乎商君曰語有之矣  
貌言華也至言實也苦言藥也甘言疾  
也夫子果肯終日正言鞅之藥也鞅將  
事子子又何辭焉

夫五羸大夫荆之鄙人也聞秦繆公之賢而願  
望見行而無資自鬻於秦客被褐食牛期年繆  
公知之舉之牛口之下而加之百姓之上秦國  
莫敢望焉相秦六七年而東伐鄭三置晉國之  
君一救荆國之禍發教封內而巴人致貢施德  
諸侯而八戎來服由余聞之欵關請見五羸大  
夫之相秦也勞不坐乘暑不張蓋行於國中不  
從車乘不操干戈功名藏於府庫德行施於五  
世五羸大夫死秦國男女流涕童子不歌謠春

者不相杵此五殺大夫之德也。今君之見秦王也，因嬖人景監以爲主，非所以爲名也。相秦不以百姓爲事，而大築冀闕，非所以爲功也。刑黥太子之師傅，殘傷民以駭刑，是積怨畜禍也。教之化民也，深於命民之効上也。捷於令，今君又左建外易，非所以爲教也。君又南面而稱寡人，日繩秦之貴公子，詩曰：相鼠有體，人而無禮，人而無禮，何不遄死。以詩觀之，非所以爲壽也。公子虔杜門不出已八年矣，君又殺祝懽而黥公子

孫賈，詩曰：得人者興，失人者崩。此數事者，非所以得人也。君之出也，後車十乘，從車載甲，多力而駢脅者爲駮，乘持矛而操闔戟者，旁車而趨。此一物不具，君固不出。書曰：恃德者昌，恃力者亡。君之危若朝露，尚將欲延年益壽乎？則何不歸十五都，灌園於鄙，勸秦王顯巖穴之士，養老存孤，敬父兄，序有功，尊有德，可以少安。君尚將貪商於之富，寵秦國之教，畜百姓之怨，秦王一且捐賓客而不立朝，秦國之所以收君者，豈其

微哉亡可翹足而待

屈原

卜居

屈原既放三年不得復見竭智盡忠蔽鄣於讒  
心煩意亂不知所從乃往見太卜鄭詹尹鄭詹尹工  
師也曰余有所疑願因先生決之詹尹乃端策  
拂龜曰君將何以教之屈原曰吾寧悃悃款款  
朴以忠乎將送往勞來斯無窮乎寧誅鉏草茅  
以力耕乎將遊大人以成名乎寧正言不諱以

危身乎將容俗富貴以媮生乎寧靜然高舉以  
保真乎將呶些訾慄斯喔伊伊以事婦姑乎寧  
廉潔正直以自清乎將一淖滑稽如脂如韋以  
絜楹乎寧昂昂若千里之駒乎將泛泛若水中  
之鳧乎與波上下偷以全吾軀乎寧與騏驎抗  
軛乎將隨鴛鴦馬之迹乎寧與黃鵠比翼乎將與  
鷄鶩爭食乎此孰吉孰凶何去何從俗溷濁而  
不清蟬翼為重于鈞為輕黃鐘毀棄瓦釜雷鳴  
讒人高張賢士無名吁嗟嘿嘿兮誰知吾之廉

貞詹尹乃釋策而謝曰夫尺有所短寸有所長物有所不足智有所不明數有所不逮神有所不通用君之心行君之意策誠不能知此事

### 漁父

屈原既放遊於江潭行吟澤畔顏色憔悴形容枯槁漁父見而問之曰子非三閭大夫歟何故至於斯屈原曰世人皆濁我獨清衆人皆醉我獨醒是以見放漁父曰聖人不疑滯於萬物而能與世推移世人皆濁何不溷其泥而揚其波

衆人皆醉何不餽其糟而飲其醪何故深思高舉自令放爲屈原曰吾聞之新沐者必彈冠新浴者必振衣安能以身之察察受物之汶汶者乎寧赴湘流楚於江魚腹中安能以皓皓之白蒙世俗之塵埃乎漁父莞尔而笑鼓枻而去乃歌曰滄浪之水清兮喻世可以濯我纓滄浪之水濁兮喻世可以濯我足遂去不復與言

宋玉

對楚王問

楚襄王問於宋玉曰先生其有遺行與何士民  
衆庶不譽之甚也宋玉對曰唯然有之願大王  
寬其罪使得畢其辭客有歌於郢中者其始曰  
下里巴人國中屬而和者數千人其爲陽阿薤  
露國中屬而和者數百人其爲陽春白雪國中  
屬而和者不過數十人引商刻羽雜以流徵國  
中屬而和者不過數人而已是其曲彌高其和  
彌寡故鳥有鳳而魚有鯤鳳凰上擊九千里絕  
雲霓負蒼天足亂浮雲翱翔乎杳冥之上夫蕃

籬之鷄豈能與之料天地之高哉鯤魚朝發崑  
崙之墟暴鬣於碣石暮宿於孟諸夫尺澤之鯢  
豈能與之量江海之大哉故非獨鳥有鳳而魚  
有鯢也士亦有之夫聖人瑰意琦行超然獨處  
世俗之民又安知臣之所爲哉

楚人

說頃襄王說

楚人有好以弱力微繳加歸鴈之上者  
頃襄王聞召而問之



小臣之好射。騏鴈羅鷲。徐廣曰。呂靜曰。鷲野鳥也。音龍。小矢之

發也。何足為大王道也。且稱楚之大。因大王之

賢所弋。非直此也。昔者三王以弋道德。五霸以

弋戰國。故秦魏燕趙者。騏鴈也。齊魯韓衛者。青

首也。鄒費邾邳者。羅鷲也。外其餘則不足射者

見鳥六雙。以王何取。王何不以聖人為弓。以勇

士為繳。時張而射之。此六雙者。可得而囊載也。

其樂非特朝夕之樂也。其獲非特鳧鴈之實也。

王朝張弓而射。魏之大梁之南。加其右臂而徑

屬之於韓。則中國之路絕。而上蔡之郡壞矣。還

射圍之東。解魏左肘而外擊定陶。則魏之東外

棄。而大宋方與二郡者舉矣。且魏斷二臂。顛越

矣。膺擊鄰國。大梁可得而有也。王績繳蘭臺。徐廣

曰。績也。飲馬西河。定魏大梁。此一發之樂也。若王

之於弋。誠好而不厭。則出寶弓。落新繳。射喙鳥

於東海。還蓋長城以為防。朝射東莒。夕發沮丘。

夜加即墨。顧據午道。則長城之東收。而太山之

北舉矣。西結境於趙。而北達於燕。三國布砥。則

從不待約而可成也。北遊目於燕之遼東而南  
 登望於越之會稽。此再發之樂也。若夫泗上十  
 二諸侯。左縈而右拂之。可一旦而盡也。今秦破  
 韓以爲長憂。得列城而不敢守也。伐魏而無功。  
 擊趙顧病。則秦魏之勇力屈矣。楚之故地。漢中  
 析酈可得而復有也。王出寶弓。澹新繳。涉郢塞。  
 而待春之倦也。山東河內可得而一也。勞民休  
 衆。南面稱王矣。故曰秦爲大鳥。負海內而處東  
 面而立。左臂據趙之西南。右臂傅楚鄢郢。膺擊

韓魏垂頭中國。處旣形便。勢有地利。鼓抵

方三千里。則秦未可得獨招而夜射也。欲以激怒襄王

故對以此言襄王因召與語遂言曰夫先王爲秦所欺而客死於

外。怨莫大焉。今以匹夫有怨。尚有報萬乘曰公

子胥是也。今楚之地方五千里。帶甲百萬。猶足

以踊躍中野也。而坐受困。臣竊爲大王弗取也。

於是頃襄王遣使諸侯復爲從欲以伐秦

蘇秦

說趙肅侯說

天下卿相人臣及布衣之士皆高賢君之行義皆願奉教陳忠於前之日久矣雖然奉陽君如君而不任事是以賓客遊士莫敢自盡於前者今奉陽君捐館舍君乃今復與士民相親也臣故敢進其愚慮竊為君計者莫若安民無事且無庸有事於民也安民之本在於擇交擇交而得則民安擇交而不得則民終身不安請言外患齊秦為兩敵而民不得安倚秦攻齊而民不得安倚齊攻秦而民不得安故夫謀人之主伐

人之國常若出辭斷絕人之交也願君慎勿出

於口請別白黑所以異陰陽而已矣索隱曰戰國策云請

并左右白言所以異陰陽其說異此然則別白黑者蘇秦言已今論趙國之利必使分明有如白黑分別陰陽殊異也君誠能聽臣燕必致旃裘狗馬之

地齊必致魚鹽之海楚必致橘柚之園韓魏中

山皆可使致湯沐之奉而貴戚父兄皆可以受

封侯夫割地包利五伯之所以覆軍禽將而求

也封侯貴戚湯武之所以放弑而爭也今君高

拱而兩有之此臣之所以為君願也今大王與

秦與秦必弱韓魏與齊則齊必弱楚魏魏弱則  
割河外韓弱則効宜陽宜陽効則上郡絕河外  
割則道不通楚弱則無援此三策者不可不熟  
計也夫秦下軹道則南陽危劫韓包周則趙氏  
自操兵索隱曰戰國策作錯鏢據衛取淇卷索隱曰地理志卷縣屬河  
南戰國策云據衛取淇無卷字則齊必入朝秦秦欲已得乎山  
東則必舉兵而嚮趙矣秦甲渡河踰漳據番吾  
徐廣曰常山有蒲吾縣。索隱曰徐氏所引據地理志而知也則兵必戰於邯  
鄲之下矣此臣之所爲君患也當今之時山東

之建國莫彊於趙趙地方二千餘里帶甲數十  
萬車千乘騎萬匹粟支數年西有常山南有河  
漳東有清河北有燕國燕固弱國不足畏也秦  
之所害於天下者莫如趙然而秦不敢舉兵伐  
趙者何也畏韓魏之議其後也然則韓魏趙之  
南蔽也秦之攻韓魏也無有名山大川之限稍  
蠶食之傳國都而止韓魏不能支秦必入臣於  
秦秦無韓魏之規則禍必中於趙矣此臣之所  
以爲君患也臣聞堯無三夫之分舜無咫尺之

地以有天下。禹無百人之聚，以王諸侯。湯武之士，不過三千車，不過三百乘，卒不過三萬，立為天子，誠得其道也。是故明主外料其敵之彊弱，內度其士卒賢不肖，不待兩軍相當而勝敗存亡之機固已形於胷中矣。豈揜於衆人之言，而以冥冥決事哉？臣竊以天下之地圖案之，諸侯之地五倍於秦，料度諸侯之卒十倍於秦，六國為一，并力西鄉而攻秦，秦必破矣。今西面而事之，見臣於秦，夫破人之與見破於人也。臣人之

與見臣於人也，豈可同日而論哉？

索隱曰：生人謂已為彼臣。

也。臣於人者，謂我夫衡人者，皆欲割諸侯之地。

以與秦。索隱曰：按衡人即遊說縱橫之士也。東

張儀相秦為秦連橫。秦成則高臺榭美宮室，聽竽瑟之音。

前有樓闕軒轅。索隱曰：戰國策云：前有軒轅，又

也。後有長姣美人。索隱曰：姣音絞，姣音絞，姣音絞。國被秦患而

不與其憂，是故夫衡人日夜務以秦權恐惕諸

侯。索隱曰：恐音起，拱反，惕音許，曷反。以求割地。

故願大王熟計之也。臣聞明主絕疑去讒，屏流

言之迹塞朋黨之門故尊主廣地強兵之計臣

得陳忠於前矣故竊為大王計莫如一韓魏齊

楚燕趙之從親以畔秦令天下之將相會於洹

水之上徐廣曰洹水出汲郡林慮縣通質刳白馬而盟索隱曰質

如字又音質以言通其交質之情也要約曰秦攻楚齊魏各出銳

師以佐之韓絕其糧道索隱曰謂擁兵於曉趙

涉河漳索隱曰謂趙亦涉河漳而阻秦軍燕守常山之

北秦攻韓魏則楚絕其後索隱曰謂出兵武齊

出銳師而佐之趙涉河漳燕守雲中秦攻齊則

楚絕其後韓守城臯魏塞其道索隱曰其道節

策其趙涉河漳博關徐廣曰齊威王六年晉伐齊到博陵東郡有博平縣

燕出銳師以佐之秦攻燕則趙守常山楚軍武

關齊涉渤海韓魏皆出銳師以佐之秦攻趙則

韓軍宜陽楚軍武關魏軍河外索隱曰河外謂

也齊涉清河燕出銳師以佐之諸侯有不如約

者以五國之兵共伐之六國從親以宿秦索隱曰謂

六國之軍共為合從相親獨以秦為賓而共伐之則秦甲必不敢出於

函谷以害山東矣如此則霸王之業成矣

說齊宣王說

齊南有泰山東有琅邪西有清河北有渤海此

所謂四塞之國也齊地方二千餘里帶甲數十

萬粟如丘山三軍之良五家之兵索隱曰高誘注戰國策云

五家即五國進如鋒矢索隱曰戰國策作疾如錐矢高誘曰錐小矢喻徑疾也呂

氏春秋曰所貴錐矢者為其應聲而至戰如雷霆解如風雨即有

軍役未嘗倍泰山絕清河涉渤海也臨菑之中

七萬戶臣竊度之不下戶三男子三七二十一

萬不待發於遠縣而臨菑之卒固已二十一萬

矣臨菑甚富而實其民無不吹竽鼓瑟彈琴擊

筑鬪鷄走狗六博蹋鞠者劉向別錄曰楚鞠者

起戰國之時蹋鞠兵也所以練武士知有材也皆因喜戲而講練之蹋徒獵反鞠求六反。

索隱曰王逸注楚詞云博著也行六碁故云六博別錄云楚鞠者楚亦蹋也足六反崔豹云起

皇帝時習兵之勢也臨菑之塗車轂擊人肩摩連衽成帷

舉袂成幕揮汗成雨家殷人足志高氣揚夫以

大王之賢與齊之疆天下莫能當今乃西面而

事秦臣竊為大王羞之且夫韓魏之所以重畏

秦者為與秦接境壤界也兵出而相當不出十

日而戰勝存亡之機決矣韓魏戰而勝秦則兵  
半折四境不守戰而不勝則國以危亡隨其後  
是故韓魏之所以重與秦戰而輕為之臣也今  
秦之攻齊則不然倍韓魏之地過衛陽晉之道  
徐廣曰魏哀王十六年秦拔魏蒲坂陽晉封陵  
○索隱曰陽晉魏邑也劉氏云陽晉地名蓋適  
齊之道在衛徑乎亢父之險索隱曰亢音剛又  
苦浪反地理志縣  
國之西南也梁國車不得方軌騎不得比行百人守險千人  
不敢過也秦雖欲深入則狼顧恐韓魏之議其  
後也是故恫疑虛喝呼萬反○索隱曰恫音通  
恫恐懼之心也喝本亦作

獨並呼台及高誘曰虛獨喘息懼貌也劉氏云  
秦自疑懼不敢進兵虛作恐獨之詞以脅韓魏  
也驕矜而不敢進則秦之不能害齊亦明矣夫  
不深料秦之無奈齊何而欲西面而事之是群  
臣之計過也今無臣事秦之名而有得謂之實  
臣是故願大王少留意計之





